

Na osnovu člana 106. stav (3) Zakona o visokom obrazovanju Kantona Sarajevo („Službene novine Kantona Sarajevo“ broj: 36/22), člana 173. Statuta Univerziteta u Sarajevu broj: 01-14-35-1/23 od 26. 07. 2023. godine, člana 17. Pravila studiranja za treći ciklus studija na Univerzitetu u Sarajevu broj: 01-4-9-1/24 od 28. 02. 2024. godine, Odluke Vijeća organizacione jedinice Univerziteta u Sarajevu - Fakultet političkih nauka broj: 02-1-1022-1/25 od 13.05.2025. godine, Odluke Senata Univerziteta u Sarajevu broj: 01-7-42/25 od 28.05.2025. godine te Odluke Upravnog odbora Univerziteta u Sarajevu broj: 02-159/18 od 17.07.2018. godine o cijeni doktorskog studija, Univerzitet u Sarajevu - Fakultet političkih nauka objavljuje

KONKURS

Za upis na Interdisciplinarni doktorski program iz društvenih nauka na Univerzitetu u Sarajevu – Fakultetu političkih nauka, istraživačka polja: Politologija, Sociologija, Sigurnosne i mirovne studije i Socijalni rad, status redovan-samofinansirajući, u studijskoj 2025/2026. godini

(Prijavni rok - od 10.06.2025. do 25.06.2025.)

I

Objavljuje se Konkurs za upis 30 (25 domaćih i 5 stranih) kandidata/kinja na Interdisciplinarni doktorski program organiziran iz naučnih oblasti – Istraživačka polja: Politologije, Sociologije, Sigurnosnih i mirovnih studija i Socijalnog rada na Univerzitetu u Sarajevu - Fakultetu političkih nauka.

Studij se organizuje u trajanju od tri godine, a njegovim završetkom stiču se naučna zvanja: doktor političkih nauka/znanosti, doktor socioloških nauka/znanosti, doktor političkih nauka/znanosti iz oblasti sigurnosnih i mirovnih studija i doktor nauka/znanosti socijalnog rada, u skladu sa odabranim naučno - istraživačkim poljem i odbranjenom temom doktorske disertacije.

Pravo učešća na konkurs imaju pod jednakim uvjetima državljani/ke BiH i strani državljani/ke za koje je nakon postupka priznavanja inostrane visokoškolske kvalifikacije utvrđeno da imaju završeno adekvatno obrazovanje za nastavak studija na trećem ciklusu studija visokog obrazovanja.

Pravo upisa na doktorski studij imaju svi kandidati/kinje koji ispunjavaju uvjete utvrđene zakonom, Statutom Univerziteta u Sarajevu, Pravilima studiranja za treći ciklus studija Univerziteta u Sarajevu i Nastavnim planom i programom doktorskog univerzitetskog studija – III ciklus studija Univerziteta u Sarajevu – Fakulteta političkih nauka od 13.05.2025. godine broj: 02-1-1021-1/25.

Visina školarine iznosi 5.000,00 KM po godini studija koji će studenti/ice plaćati u ratama (dvije rate u jednoj godini studija).

II

Pravo prijave na konkurs imaju:

- Kandidati/kinje koji su stekli diplomu drugog ciklus studija, integrisanog studija i akademskog specijaliste i stekli 300 ECTS u području društvenih ili humanističkih nauka,
- Uz aktivno znanje engleskog jezika preduvjet je minimalno ostvaren prosjek 8,00 na I i II ciklusu studija i
- Kandidati/kinje koji su po ranijem Zakonu o visokom obrazovanju stekli titulu magistra/ice nauka u području društvenih ili humanističkih nauka, a kojima se priznaje 60 ECTS studijskih bodova trećeg ciklusa i ovi kandidati/kinje plaćaju dvije trećine ukupne cijene studija.

III

Uz prijavu na Konkurs kandidati/kinje su obavezni dostaviti:

1) Prijavu;

2) Biografiju;

3) Originalnu diplomu ili ovjerenu kopiju i dodatak diplomi za I i II ciklus studija (za student/ice koji su završili studij prema Bolonjskom sistemu studija), odnosno originalnu diplomu ili ovjerenu kopiju i uvjerenje o prosjeku ocjena (za student/ice koji su završili studij po pred Bolonjskom sistemu studija) o završenom prethodnom obrazovanju u BiH.

Studenti/ice Univerziteta u Sarajevu koji su završili drugi ciklus studija mogu do izdavanja diplome i dodatka diplomi predati uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijave za upis po ovom konkursu;

4) Rješenje o akademskom priznavanju diplome za kandidate/kinje koji su stekli prethodno obrazovanje izvan Bosne i Hercegovine, ili potvrdu da je taj postupak priznavanja u toku (original);

5) Izvod iz matične knjige rođenih i uvjerenje o državljanstvu, odnosno prva stranica pasoša za kandidate/kinje koji nisu državljani Bosne i Hercegovine (original ili ovjerena kopija);

6) Motivacijsko pismo uz kratko obrazloženje teme koju kandidat/kinja želi istraživati;

7) Potvrda/dokaz o aktivnom znanju engleskog jezika;

6) druge relevantne dokumente kojima dokazuje ispunjavanje uvjeta za upis na doktorski studij (Objavljene knjige, naučni i stručni radovi).

IV

Nastava se izvodi na službenim jezicima Bosne i Hercegovine i na engleskom jeziku.

V

Selekcija prijavljenih kandidata/kinja u konkursnoj proceduri će se vršiti na osnovu bodovne liste. Kandidati/kinje mogu ostvariti maksimalno 100 bodova. Minimalan broj bodova koje kandidati/kinje moraju ostvariti da bi bili primljeni na doktorski studij je 55. Struktura bodovne liste kandidata/kinja je sljedeća:

- Ukupan prosjek ocjena ostvaren na I i na II ciklusu studija najmanje 8,00 - do 20 bodova. (Kandidati/kinje sa prosjekom $8 - 8,4 = 10$ bodova ; $8,5 - 8,9 = 15$ bodova; $9 - 10,0 = 20$ bodova);
- Objavljene knjige relevantne za naučnu oblast/istraživačko polje, sa recenzentima iz relevantne naučne oblasti – do 10 bodova;
- Naučni i stručni radovi objavljeni u domaćim i međunarodnim časopisima u indeksiranim citatnim bazama podataka – do 8 bodova;
- Naučni i stručni radovi objavljeni u ostalim bazama podataka – do 2 boda;
- Motivacijsko pismo upisa studija, plan/uže polje interesa naučnog istraživanja kandidata/kinja i intervju - do 60 bodova.

Postupak prijema kandidata provodi komisija za upis koju imenuje vijeće Fakulteta iz reda nastavnika studija koji se organizira.

Na osnovu rezultata postignutih na prvom i drugom ciklusu studija, integriranom studiju, specijalističkom ili postdiplomskom, na bazi relevantnih publikacija u indeksiranim domaćim i međunarodnim časopisima, te na bazi razgovora sa kandidatima/kinjama i ocjene kvaliteta motivacijskog pisma i plana istraživanja, napraviti će se i objaviti rang lista prijavljenih i primljenih kandidata/kinja.

Preliminarna lista svih primljenih i prijavljenih kandidata se objavljuje na internet stranici Univerziteta, Univerziteta u Sarajevu - Fakultet političkih nauka www.fpn.unsa.ba najkasnije sedam dana nakon isteka roka za podnošenje prijave na konkurs.

Na navedenu listu kandidati imaju pravo prigovora vijeću članice u roku od pet radnih dana od dana objave liste.

Odluka po prigovoru se donosi u roku od sedam dana od isteka roka za izjavljivanje prigovora i objavljuje na internet stranici Univerziteta, Univerziteta u Sarajevu - Fakultet političkih nauka www.fpn.unsa.ba.

Konačna lista upisanih studenata se objavljuje na internet stranici Univerziteta u Sarajevu - Fakultet političkih nauka www.fpn.unsa.ba najkasnije dva dana nakon isteka roka za donošenje odluke po izjavljenom prigovoru i dostavlja se Senatu Univerziteta na saglasnost. Ukupan broj kandidata/kandidatkinja za koje će se izvršiti upis je 25 - državljani BiH i 5 stranaca.

Upis primljenih kandidata/kinja izvršit će se najkasnije sedam (7) dana prije početka nastave.

VI

Prijave dostaviti na adresu: Univerzitet u Sarajevu - Fakultet političkih nauka, Skenderija 72, 71000 Sarajevo, u zatvorenoj koverti, s naznakom "Prijava za upis na doktorski studij FPN-a".

Obrazac prijave može se preuzeti na Fakultetu političkih nauka, ili sa web stranice www.fpn.unsa.ba.

Univerzitet u Sarajevu - Fakultet političkih nauka je objavio dana 10.06.2025. godine u dnevnim novinama, na web stranici Univerziteta u Sarajevu - Fakulteta političkih nauka www.fpn.unsa.ba i Univerziteta u Sarajevu www.unsa.ba Konkurs za upis studenata na Interdisciplinarni doktorski program iz društvenih nauka, istraživačka polja: Politologija, Sociologija, Sigurnosne i mirovne studije i Socijalni rad u studijskoj 2025/2026. godini.

Konkurs ostaje otvoren do 25.06.2025. godine.

U slučaju da na konačnoj rang listi broj primljenih kandidata/kandidatkinja bude manji od predviđenog broja kandidata/kandidatkinja za upis (kvota za državljane BiH) Fakultet će raspisati ponovo Konkurs za preostali broj kandidata/kandidatkinja.

Kontakt osoba: Kadrić Enisa, tel. 033/203-562 - lokal 170.